

Llythyr Asesu Gwelliant 1 - Cynllunio gwelliant

Mae'r adolygiad wedi cael ei gwblhau ac mae Llythyr wedi'i gyhoeddi. Adolygiad o drefniadau cynllun gwella'r Cyngor i sicrhau gwelliant parhaus yw hwn. Mae'r llythyr yn dilyn cyhoeddi cynllun gwella'r Cyngor. Fodd bynnag, gan fod etholiad eleni, mae'r Cyngor wedi gohirio llunio ei gynllun gwella tan fis Hydref 2013. Mae hyn yn debyg i'r trefniadau y llynedd gydag awdurdodau eraill yng Nghymru. Rhoddir adborth i'r Pwyllgor Archwilio.

Llythyr Asesu Gwelliant 2 - Profi ac Archwilio Cyhoeddiad Asesu Perfformiad y Cyngor

Adolygiad o ba mor dda y mae'r Cyngor wedi adrodd ar ei berfformiad yn y flwyddyn ddiwethaf yw hwn. Bydd y llythyr hefyd yn rhoi sylwadau ar Gynllun Gwella'r Cyngor a'i Archwiliad o Ansawdd Data. Caiff y Llythyr ei lunio erbyn mis Tachwedd 2013 a rhoddir adborth i'r Pwyllgor Archwilio.

Adroddiad Gwella Blynyddol

Mae'r Adroddiad Gwella Blynyddol (AGB) yn crynhoi'r holl waith a wnaed gan Swyddfa Archwilio Cymru a'r rheoleiddwyr perthnasol, fel Estyn, AGGCC a Chomisiynydd y Gymraeg. Caiff yr AGB ei lunio ym mis Ionawr/Chwefror 2014.

Adolygiad o ansawdd data

Adolygiad o ddetholiad o ddangosyddion a systemau perfformiad er mwyn sicrhau cywirdeb gwybodaeth am berfformiad. Mae'r adolygiad wedi cael ei gwblhau ac adroddir arno drwy adborth lleol ac yn Llythyr AG 2 ym mis Tachwedd 2013.

Astudiaeth wella - Diogelu

Mae'r astudiaeth hon yn cael ei chwmpasu a chynigir y bydd y gwaith yn canolbwyntio ar asesu cadernid trefniadau rheolaeth fewnol cynghorau er mwyn rhoi sicrwydd i'w hunain fod trefniadau diogelu yn gweithio'n effeithiol. Cynhelir yr astudiaeth yn y 22 o awdurdodau. Prif allbynnau'r astudiaeth fydd adroddiad cenedlaethol ar ganfyddiadau gwaith lleol ac adroddiad cryno ar gyfer pob cyngor sy'n cynnwys prif ganfyddiadau'r gwaith maes. Caiff briff prosiect sy'n amlinellu'r gwaith ei roi i bob cyngor erbyn dechrau mis Hydref 2013.

Astudiaeth Genedlaethol Llywodraeth Leol - Diwygio Lles

Bydd yr astudiaeth yn canolbwyntio ar baratoi i ymdrin ag effaith Deddf Diwygio Lles 2012. Mae'r astudiaeth hon yn cael ei chwmpasu a chynigir y bydd y gwaith yn canolbwyntio ar ba mor dda y mae llywodraeth leol wedi cynllunio ar gyfer cyflwyno diwygiadau lles drwy olrhain y goblygiadau i dai cymdeithasol. Mae naw awdurdod ledled Cymru wedi cael eu nodi ond nid yw Ynys Môn yn un ohonynt, er y gall pob cyngor dderbyn ceisiadau am ddata gan dîm yr astudiaeth. Caiff briff prosiect sy'n amlinellu'r gwaith ei roi i bob cyngor ym mis Medi 2013.

Astudiaeth Genedlaethol Llywodraeth Leol - Cyflawni â llai - yr effaith ar Wasanaethau Iechyd yr Amgylchedd a Dinasyddion

Mae'r astudiaeth gwasanaeth benodol hon yn cael ei chwmpasu ac mae briff prosiect drafft wedi cael ei lunio. Bydd y gwaith yn asesu effaith lleihau adnoddau ar wasanaethau iechyd yr amgylchedd er mwyn pennu pa mor dda y maent yn ymdopi â llai. Bwriedir i'r gwaith gael ei wneud yn y 22 o gynghorau yng Nghymru, ond ni fydd angen gwneud gwaith maes manwl gan fod y gwaith cyflenwi yn cael ei reoli a'i gydgyssylltu'n ganolog. Caiff briff prosiect sy'n amlinellu'r gwaith ei roi i bob cyngor ym mis Medi 2013.

Effeithiolrwydd Craffu

Astudiaeth ar gyfer 2012-13 yw hon. Mae'r hunanasesiadau a'r gweithdai rhanbarthol wedi cael eu cwblhau a chyflwynwyd adroddiadau hunanasesu terfynol i gynghorau. Caiff adroddiad cenedlaethol ei ddrafftio a dylai gael ei gyhoeddi yn ystod Hydref 2013. Ym mis Tachwedd, bydd Swyddfa Archwilio Cymru yn cynnal cynhadledd genedlaethol ar y cyd â Llywodraeth Cymru, CLILC, y Ganolfan Craffu Cyhoeddus ac Ysgol Fusnes Caerdydd, Bydd y gynhadledd yn tynnu sylw at brif themâu'r astudiaeth.

Datganiad Llywodraethu Blynyddol

Astudiaeth ar gyfer 2012-13 yw hon. Mae'r gwaith wedi cael ei gwblhau ac mae crynodebau lleol terfynol wedi cael eu dosbarthu i gynghorau. Caiff adroddiad cenedlaethol ei ddrafftio a dylai gael ei gyhoeddi yn ystod Hydref 2013. Mae Swyddfa Archwilio Cymru yn gweithio gyda rhai partneriaid cyfeirio llywodraeth leol er mwyn datblygu adnodd ar-lein i helpu cynghorau i gynnal adolygiadau o drefniadau llywodraethu.

Astudiaeth Llywodraeth Leol - Pobl ifanc nad ydynt mewn addysg, cyflogaeth na hyfforddiant

Astudiaeth ar gyfer 2012-13 yw hon. Mae'r astudiaeth yn ceisio ateb y cwestiwn canlynol: **A oes gwersi i'w dysgu gan lywodraeth leol o ymdrechion i sicrhau gwell canlyniadau i bobl ifanc nad ydynt mewn addysg, cyflogaeth na hyfforddiant neu sydd mewn perygl o beidio â bod mewn addysg, cyflogaeth na hyfforddiant?** Mae gwaith maes y prosiect ymhell ar y blaen a disgwylir iddo gael ei gwblhau erbyn mis Medi 2013.

Cafodd wyth cyngor eu cynnwys yn y gwaith maes, heb gynnwys Ynys Môn.

O ran yr 11 o gynghorau lle na wnaed unrhyw waith maes, caiff llythyr yn eu gwahodd i'n hysbysu am arfer da, ynghyd â chrynodeb o'r data ymchwil cenedlaethol, ei anfon yn fuan.

Bydd canfyddiadau elfen llywodraeth leol yr astudiaeth hon yn bwydo i mewn i adroddiad cenedlaethol sy'n cwmpasu'r canfyddiadau o'r astudiaethau llywodraeth leol a gwerth am arian a bwriedir ei gyhoeddi ar ddechrau 2013.

Astudiaeth Llywodraeth Leol - Rheoli'r her ariannol

Mae'r gwaith maes dilynol wedi cael ei gwblhau ac mae'r adroddiad yn cael ei ddrafftio. Dylai'r adroddiad fod yn barod i'w gyhoeddi ym mis Hydref 2013. Ni roddir adborth penodol i gynghorau unigol fel rhan o'r ymarfer hwn.

Gwaith sy'n benodol i Ynys Môn

Digartrefedd

Cafodd adolygiad o Ddigartrefedd ei gynnal cyn y Cyngor newydd. Cyflwynir y canfyddiadau yn Llythyr AG 1 a thrwy adborth lleol.

Adolygiad lleol

Adolygiad o effeithiolrwydd cydberthnasau rhwng cynghorwyr a rhwng cynghorwyr a swyddogion yn dilyn etholiadau 2013. Bwriedir cynnal y gwaith ym mis Tachwedd/Rhagfyr 2013 ac adroddir arno drwy adborth lleol ac yn yr AGB.